



**„REGIONALNA DEPONIJIA MOŠĆANICA“ d.o.o. ZENICA**  
Moščanica bb, 72000 Zenica, BiH  
Tel: 032 / 44 63 60, Fax: 032 / 44 66 34,  
[www.rdm.ba](http://www.rdm.ba) e-mail: [regdepze@bih.net.ba](mailto:regdepze@bih.net.ba)  
Identifikacioni broj: 4218003170004, PDV broj: 218003170004,  
Registarski broj: U/I-3232/02 (Kantonalni sud Zenica)

Broj: 02-400/18  
Zenica, 10.09.2018. godine

Na osnovu člana 69., stav (3), te člana 70. stav (1) i (4) Zakona o javnim nabavkama ("Službeni glasnik Bosne i Hercegovine, broj: 39/14) i Rješenja Ureda za razmatranje žalbi BiH, broj: JN2-01-07-1-376-9/18 od 16.08.2018. godine, te člana 35. Statuta, direktor Privrednog društva "Regionalna deponija Moščanica" d.o.o. Zenica, kao ugovornog organa donosi:

**O D L U K U**  
**O PONIŠTENJU POSTUPKA JAVNE NABAVKE**  
**za zaključenje ugovora za "Nabavku i instalisanje uređaja za prečišćavanje**  
**deponijskog filtrata na Regionalnoj deponiji "Moščanica" Zenica"**

**Član 1.**

Na osnovu Rješenja Ureda za razmatranje žalbi BiH, broj: JN2-01-07-1-376-9/18 od 16.08.2018. godine poništava se u cijelosti otvoreni postupak javne nabavke za zaključenje Ugovora za nabavku i instalisanje uređaja za prečišćavanje deponijskog filtrata na Regionalnoj deponiji "Moščanica", koji je pokrenut Odlukom o pokretanju postupka javne nabavke, broj: 02-650/17 od 19.12.2017.godine i objavljivanjem Obavještenja o nabavci, broj: 362-1-1-304-3-25/17 na Portalu javnih nabavki dana 19.12.2017.godine.

**Član 2.**

Ova Odluka će se objaviti na web stranici Ugovornog organa ([www.rdm.ba](http://www.rdm.ba)) u skladu sa članom 70. stav 6. Zakona o javnim nabavkama i istovremeno dostaviti svim ponuđačima koji su učestvovali u postupku nabavke.

**Član 3.**

Odluka stupa na snagu danom donošenja.

**O B R A Z L O Ž E N J E**

Privredno društvo "Regionalna deponija Moščanica" d.o.o. Zenica, kao ugovorni organ, je u skladu sa članom 18. Zakona o javnim nabavkama i na osnovu Odluke o pokretanju postupka javne nabavke, broj: 02-650/17 od 19.12.2017.godine pokrenulo postupak javne nabavke: "Nabavka i instalisanje uređaja za prečišćavanje deponijskog filtrata na Regionalnoj deponiji Moščanica" putem otvorenog postupka u skladu sa Zakonom o javnim nabavkama. Obavještenje o nabavci, broj: 362-1-1-304-3-25/17 je objavljeno 19.12.2017. godine na portalu javnih nabavki, te ispravka Obavještenja o nabavci dana, 25.01.2018. godine. Procijenjena vrijednost nabavke je 900.000 KM bez PDV-a. U postupku nabavke su dostavljene tri ponude.

Nakon provedene analize i ocjene ponuda *Ugovorni organ je donio Odluku o izboru najpovoljnijeg ponuđača i dodjeli ugovora o nabavci i instalisanju uređaja za prečišćavanje deponijskog filtrata na Regionalnoj deponiji "Moščanica", broj: 02-73/18 od 06.03.2018. godine.*

Navedenom Odlukom Ugovor je dodijeljen konzorciju "DIT-ROT", kojeg čine preduzeća "DIT" d.o.o. Tuzla i "ROTREAT ABWASSERREINIGUNG" GmbH, Seiersberg, Austrija.

Na ovu Odluku žalbu je uložila grupa ponuđača: "SC PROCES ENGINEERING" s.r.l. Bukurešt, Rumunija, "3JER" d.o.o. Beograd i "NITAL" d.o.o. Zenica. Postupajući u skladu sa članom 100. stav (5) Zakona o javnim nabavkama, Ugovorni organ je navedenu žalbu prosljedio Uredu za razmatranje žalbi BiH na dalje postupanje.

Ured za razmatranje žalbi BiH je svojim Rješenjem, broj: JN2-01-07-1-153-8/18 od 26.04.2018. godine usvojio žalbu Žalioca i poništio Odluku o izboru najpovoljnijeg ponuđača, broj: 02-73/18 od 06.03.2018. godine, te predmet vratio Ugovornom organu na ponovni postupak.

Nakon ponovne analize dostavljenih ponuda, Ugovorni organ je donio novu *Odluku o izboru najpovoljnijeg ponuđača i dodjeli ugovora o nabavci i instalisanju uređaja za prečišćavanje deponijskog filtrata na Regionalnoj deponiji "Mošćanica", broj: 02-221/18 od 01.06.2018. godine*, kojom je ugovor dodijeljen grupi ponuđača: "SC PROCESS ENGINEERING" s.r.l. Bukurešt, Rumunija, "3JER" d.o.o. Beograd i "NITAL" d.o.o. Zenica.

Na ovu Odluku Konzorcij "DIT-ROT" je uložio Žalbu. Komisija za nabavku je utvrdila da je žalba osnovana te nakon toga Ugovorni organ donosi novu *Odluku o dodjeli ugovora na dan 18.06.2018. godine br. 02-259/18 kojom se dodjeljuje Ugovor konzorciju "DIT-ROT"*.

Također, grupa ponuđača: "SC PROCESS ENGINEERING" s.r.l. Bukurešt, Rumunija, "3JER" d.o.o. Beograd i "NITAL" d.o.o. Zenica podnosi žalbu na Odluku br. 02-259/18 od 18.06.2018. godine koju Ugovorni organ shodno članu 100, stav 5. Zakona o javnim nabavkama prosljeđuje Uredu za Razmatranje žalbi BiH na dalje postupanje.

Ugovornom organu je dana, 07.09.2018. godine dostavljeno Rješenje br. JN2-01-07-1-376-9/18 od 16.08.2018. godine doneseno od Ureda za razmatranje žalbi BiH, kojim se žalba grupe ponuđača: "SC PROCESS ENGINEERING" s.r.l. Bukurešt, Rumunija, "3JER" d.o.o. Beograd i "NITAL" d.o.o. Zenica usvaja i poništava se Odluka o dodjeli ugovora, broj: 02-259/18 od 18.06.2018. godine. Tačkom 2. navedenog Rješenja poništava se Tenderska dokumentacija i Obavještenje o nabavci, broj: 362-1-1-304-3-25/17 objavljeno na Portalu javnih nabavki od 19.12.2017. godine.

Postupajući u skladu sa naprijed navedenim Rješenjem Ureda za razmatranje žalbi BiH, kao drugostepenog organa u postupku nabavke, Ugovorni organ je na osnovu člana 69. stav (3), Zakona o javnim nabavkama donio ovu Odluku kao u dispozitivu.

### **Pouka o pravnom lijeku**

Protiv Rješenja Ureda za razmatranje žalbi BiH može se pokrenuti upravni spor pred Sudom BiH u roku od 30 dana od dana prijema Rješenja.

Prilog: Fotokopija Rješenja URŽ BiH, broj: JN2-01-07-1-376-9/18 od 16.08.2018.godine



Direktor Društva

Emir, dipl.ing.maš.

Dostaviti:

1x konzorciju "SC PROCESS ENGINEERING" S.R.L., "3JER" d.o.o. Beograd i "NITAL" d.o.o. Zenica,

ul. Str. Horei nr.29, Bukurešt, Rumunija

1x konzorciju "DIT-ROT", Mandžukovac 31, Tuzla, BiH

1x "ESOTECH" d.d. Velenje, Preloška cesta 1, Velenje, Slovenija

1x a/a